

## Forum Ecclesiasticum

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1720**

Caput I. De Injuriis.

---

[urn:nbn:de:hbz:466:1-73982](#)

*fin. de purg. can. Pirh. b. t. num. 3.* Et in specie di-  
cta monomachia prohibita exprelse. c. monomachiam  
2. q. 5. & c. cura. b. t. Purgatio per ferrum candens  
vel aquam ferventem. c. Mennam. c. consulisti. ead.  
caus. & quest. purgatio per aquam frigidam. c. ex  
zuarum h. t. Idem est de aliis similibus actibus &  
signis, in quibus miraculosa divina virtutis opera-  
tio exspectatur, vel ad occultarum veritatis probatio-  
nem expostulatur, in quibus cum tentetur Deus  
falem implicitè & interpretativè, ideo mala esse &  
prohibita, etiam seclusa proibitione juris humani,  
ait Pirh. b. t. num. 5. cum Suar. Tom. I. L. 2. de ir-  
religiosis. c. 3. num. 8. Neque his obstat, quod Sancti  
sepe ad istiusmodi purgationes se obtulerint, & Deo  
cooperante miraculose suam innocentiam ostende-  
rint, id enim factum ex speciali inspiratione, ne-  
que quod Concilium Moguntinum sub Rabano ce-  
lebratum can. 24. statuat, quod, qui presbyterum  
occiderit & idipsum negaverit, si liber est, cum  
septuaginta duobus juret: si servus super 12, vomi-  
res ferentes se expurget. Nam ei per SS. Canones  
derogatum, testatur Reiffenst. b. t. num. 4. Ne-  
que quod Deus ipse de tali purgatione facienda per  
aquam amarissimam bibitam à muliere insimulata de  
adulterio, præceptum dederit. num. c. 5. v. 18. Nam hoc ipso Deus raciè saltem promiserat innocentiam  
suam afflentiam, quæ tamen promissio di-  
vinæ afflentiae cum sublatis per legem novam  
præceptis illiusmodi ceremonialibus legis antique  
cessaverit, talis purgatio hodieum est illicita, ita  
Pirh. b. t. num. 5. Wiestn. b. t. num. 4. quod  
idem dicendum, si dicatur cum Alesi: hujus a-  
quæ bibitionem non fuisse præceptam, sed solum  
permisam in ordine ad ostendendam innocentiam  
eique permissioni conjunctam seu promissam Dei af-  
flentiam.

*Quest. 471. Quid igitur dicendum de  
purgatione facta per celebrationem  
Missa aut susceptionem Eucharistie,  
an olim fuerit, aut modo sit li-  
cita?*

**R** Esp. In hoc non convenire A. A. nam aliqui  
cum D. Thom. apud Suar. l.c. sustinent, esse

per se malam & illicitam, & consequenter Concili-  
lum illud provinciale errasse, & decreta illius quod  
ad hoc esse correcta per nova jura seu canones, ut  
sentit Gl. ibid. v. sepe. Alii cum Suar. & Pirh. l. c.  
probabiliter censem non esse illam purgationem per  
se malam & illicitam, cum nullibi in jure reperiatur  
specialiter prohibita, neque intrinsecè conti-  
nere tentationem Dei, cum non fiat ad ostenden-  
dam divinam virtutem per miraculum, sed solum  
quasi in testimonium & probationem innocentiae;  
ita Pirh. quamvis addat, tamē modum purgandi se  
esse periculosum, cum cadere posset in irreveren-  
tiam Sacramenti, ut ab indignis sumatur, ideoque in  
desuetudinem abiisse, ut Suar. l. c. n. 10.

*Quest. 472. Num sententia lata ex pur-  
gatione vulgaris & jure reprobata, à  
qua non fuit appellatum, retractari  
possit?*

**R** Esp. Affirmative, juxta e. significasti h. t. ramet-  
si enim alias regulariter sententia, à qua intra  
dies decem appellatum non fuit, translat in rem  
judicatam, jusque ex ipsa sententia natum, & con-  
sequenter retractari non debeat, etiamsi dein ve-  
ritatis se aliter habere deprehendatur; propter in-  
strumenta postea reperta & errorem detectum. c.  
cum inter. de sent. & re judic. juncto c. inter. eod. &  
L. putarem ff. famil. Hercif. nihilominus senten-  
tia lata ex probationibus fallacibus & reprobatis  
(qualis fuit illa, quæ lata c. 2. b. t. ex duello seu  
monomachia) retractanda est repertâ veritate contraria,  
juxta c. venerabilis. § intelleximus. de except.  
& toto tit. C. si ex fals. instrum. Host. h. t. v. refi-  
tuant. Pirh. b. t. num. 7. non secus ac sententia la-  
ta ex delatione juramenti facta per Judicem parti  
compertâ veritate contrariâ retractari potest L. ad-  
monend. ff. de jurejur. quia talis sententia nulla est,  
quia lata contra ordinem judicarium, nempe ex  
probatione non integra. L. prolatam. C. de sent. &  
interloc. omn. Jud. Item injusta, sententia autem  
injusta tener, quia presumitur justa, quæ presum-  
ptio cessat, si notoriè constet esse injustam. c. veri-  
tate. dist. 8. Pirh. l. c. cum Abb.

## TITULUS XXXVI.

### De Injuriis & Damno dato.

#### CAPUT I.

##### De Injuriis.

*Quest. 473. Quid sit injuria?*

**R** Esp. Injuria non quidem accepta genera-  
liter seu latissime pro omni eo, quod ad-  
versus alium sit non justa, sed specialiter,  
prout sumitur b. t. est delictum, quo al-  
teri dolo malo infertur contumelia laddendo ejus  
honorem seu famam per quandam vilipensionem,  
despectum, probrum, Sylv. v. injuria. num. 1.  
Sumitur fere ex princ. Inst. b. t. & L. 2. b. t. Dicitur:  
dolomalo, seu animo injuriandi dicendo quid  
vel faciendo, quod in illius contemptum & despe-  
ctum cedit, & citra hunc animum seu intentio-

R. P. Lenr. Jur. Can. Lib. V.

nem non fit injuria. L. si non convitti. C. b. t. ideo-  
que nemo facit injuriā, nisi sciat se facere injuri-  
am. L. 3. §. 2. & 3. ff. b. t. animus autem ille præ-  
sumitur, dum verba vel facta suapte naturā sunt  
injuriā, unde ea proferens vel faciens probare  
debet, animum convitiandi aut contempnendi ab-  
fuisse, cum sit contra eum præsumptio juris. est. L.  
si non convitti & ibi Gl. v. probare potes, idque,  
etiamsi dicat, se ea ex joco dixisse, ut eadem Gl.  
& Clarus §. injuria. num. 12. fierique hæc proba-  
tio per conjecturas. Zoc. in ff. b. t. num. 4. Econtra,  
si verba vel facta ex se non sunt injuriā, a-  
ctoris est probare animum injuriandi adfuisse, alias

Kk

reus

reus est absolvendus. Arg. L. qui in alterius. ff. de reg. jur. Unde jam injuriam facere possunt omnes qui dicti animi seu dolii capaces sunt, cuiuscunque sexus, etatis, conditionis, & sic non excipiuntur Magistratus, qui abutentes officio suo inferunt injuriosum quid subditio, cuius plura exempla ponit Lauterb. ad ff. tit. de injuriis. Neque alii Ecclesiæ ministri, dum non ex zelo pietatis, sed privato affectu in concione & alibi in personam certam inveniuntur injuriosè, aut tam ita describunt, ut omnes facile intelligant, quis nox, maximè ubi delictum non est notorium. Lauterb. l. c. §. 6. qui tamen addit, in dubio non tam tam animum injuriandi quam corrigendi in Clericis præsumendum, maximè si delictum non est ex conjectura, sed publicum, unde is animus in illis evidenter probandus, ut Berlich. p. 5. concl. 60. num. 8. E contra à facienda injuria excluduntur, qui hoc animo & voluntate destituti, etiæ naturæ suâ injuriosum quid dicant aut faciant, ut sunt infantes, infantia proximi, furiosi, licet ipsi injuriam pati possint. L. 3. §. 1. ff. b. t. Carpz. L. 2. resp. 58. dormientes, qui in somno loquuntur; noctambulones, dum faciunt quid aliæ injuriosum. L. 1. §. 3. de ast. f. & A.P. juncta cit. L. 3. §. 3. Clem. antic. de homicid. vol. item ebriosi, dum ebrietas mentis alienationem inducit, q. s. dñs. 35. c. 7. cauf. 15. q. 1. L. 6. §. 7. ff. de re milit. dum tamen ebrietas est infania voluntaria, & ebriosi culpâ haud carer, extraordinariâ aliquâ pœnâ puniuntur. can. 9. cauf. 15. q. 1. Carpz. pr. crim. q. 69. num. 2. idem est in eo, qui exstir iracundia corruptus convitum vel injuriosum quid facit, ita ut, si iracundia non profructus aditum rationem, non liberetur omnino ab obligatione hujus delicti, cum injuriam passi laesio inde non tollatur, nec infecta redatur, & nemo pœnitentiâ suâ nocens esse desinat. Gail. L. 2. obs. 100. num. 9. Lauterb. §. 5. etiæ mitius cum eo agendum, ut cum communi Farin. q. 91. num. 33. item injuria rei non sunt, qui vi offici vel statu causâ moderata castigationis, correctionis, & emendationis aliud aliæ injuriam dicunt aut faciunt, v. g. respectu discipulorum preceptores, parentes respectu liberorum, domini respectu famulorum, mariti respectu uxorum, Superiorum respectu subditorum. L. item apud Labeonem. §. 38. ff. b. t. utiud probatur exemplo Christi, dum is Petrum compellavit Satanam. Matt. 16. discipulos euntes in Emmaus stultos & tardos corde, & S. Pauli, dum es Galatas vocat insensatos, Cretenses, mendaces, quamvis D. Aug. L. 2. de serm. Dom. in monte. c. 30. moneat, raro & non nisi ex magna causa hujusmodi injuriosas objurgationes esse adhibendas, utpote quibus quandoque magis exacerbantur, quam emendantur subdit.

*Quæst. 474. Quot modis inferri possit injuria?*

R Esp. Tribus potissimum modis ea inferri potest, nimis verbis, scripto & facto; verbo fit, dum quis dealtero, sive absente, sive præsente profum aut injuriosum quid oretenus profert, obiciendo vel enunciando defectum minorum vel naturæ, v. g. quod sit fur, adulter, spurius, quæ prolatio probroba dicitur convitum, Arg. L. item apud Labeonem. §. 7. ff. b. t. Clarus §. injuria, num. 1. Farin. pr. crim. q. 150. num. 2. & 4. Reiffenst. b. t. num. 6. Scripto fit, dum quis verbis contumeliosis in scripturam redactis honorem alterius proscindit, histriam ad alterius infamiam & con-

temptum conscribit, aut typis edit, aut edi curat, L. lex Cornelis. §. 9. L. item. §. 29. ff. b. t. & si talis scriptura omisso authoris nomine in vulgo spargitur, dicitur libellus famosus. L. unic. ff. de libellis famos. Facto fit, dum quis alterum verberat, vulnerat, domum illius violenter perfringit, aliudve quid in ejus contemptum, probrum, infamiam cedens facit cit. L. lex Cornelis. & L. nem. ff. b. t. Unde alii injuriam bifariam dividunt, in verbalem & realem, male, ut inquit Lauterb. b. t. §. 2. Scriptam ad realem referentes. De cætero singulæ harum trium injuriæ dividuntur in leves & atrocæ, quæ earum differentia desumitur ex circumstantiis ipsius facti, ut atroc censeatur, dum etiam plebejus vulneratur, fustibus ceditur. §. 9. Inst. b. t. L. prætor. edixit. in fin. ff. b. t. vel ratione personæ injuriantis, ut à filio irrogata parenti, à vasallo illata domino. cit. §. 9. L. si unius. §. 3. ff. eod. vel injuriatae. L. atrocem. c. b. t. item ratione loci, ut si inferatur in templo, vel in loco judicij, cit. §. 9. Inst. Ad hæc injuriam quis inferre potest immediatè seu per se ipsum, vel mediatè, seu personâ aliâ mediante, mandando scilicet, instigando, procurando, aliò modo subordinando, ut alterum percutiat, ipsi convitum dicat aut scribat, aliâve injuriâ afficiat. §. 11. Inst. L. 11. in princ. L. 15. §. 8. ff. b. t. unde cum utroque injuriarum agi potest, Lauterb. §. 7. juxta cit. LL. modò injuria ex parte mandatarii, instigati, &c. sequuta sit. Arg. L. 15. §. 19. ff. de furt. L. 33. §. 1. ff. de V. S. sic Advocatus mandante principali citra notoreitatem adversario objiciens convitum, vel verbis injuriosis utens, non excusat ab injuria adversario illata. L. 11. §. 3. & 4. ff. b. t. L. 5. c. de accns. Carpz. L. 2. resp. 27. & 62.

*Quæst. 475. An & qui pati possint injuriam mediante aliâ personâ?*

1. R Esp. Primo: sicut quis facere, sic & pati potest injuriare mediante aliâ personâ immediatè injuriatâ, quæ sibi conjuncta potestati sua vel affectui subiecta est, ita ut hi etiam proprio nomine instituere possint actionem in injuriarum, §. 2. Inst. l. 1. §. 3. & 5. ff. b. t. Farin. pr. crim. q. 150. a. num. 253. Lauterb. l. c. §. 10. Haunold. Tom. 1. de f. & f. tr. 2. num. 532. sic si liberis constitutis sub patria potestate fiat injuria, ipsi immediatè, pater verò mediare afficitur injuriâ, L. 1. §. 3. ff. b. t. idque etiam filius consentiret, filia non invitata stuprata esset, ita ut patri nihilominus detur actio, L. 1. §. 3. l. 17. §. 10. l. 26. l. 41. ff. l. 2. C. b. t. Harpr. pr. Inst. b. t. num. 18. His non obstantibus, quod stuprator solum habeat animum explendi libidinem, & non injuriandi patrem; habet enim quis hunc animum indirectè, qui facit, quod per necessarium consequentiam ad cuiusdam contumeliam spectat, uti stuprum filia sine contumelia patris, adulterium uxoris sine contumelia mariti fieri nequit. Harpr. Lauterb. LL. cit. non tamen censembitur injuria facta patri, nisi injurians saltem in genere sciverit injuriatum esse filium famili vel mulierem esse nuptam, L. 18. §. 4. b. t. multoq. minus, si injurians crediderit injuriatum esse patrenfamilias, item si crediderit, non esse sub patria potestate, sed emancipatum L. 2. Inst. l. 1. §. 8. & l. 18. §. 4. ff. b. t. Lauterb. §. 11. sic injuria infertur domino, si quid atrocis, aperiè cedens in ejus contumeliam, committatur in servum, §. 3. Inst. l. 15. §. 34. ff. b. t. Secus tamen est, si servo inferatur injuria citra contemplationem Domini, aut

aut gerenti se pro liberis, ut exinde non detur actio domino. *cit. l. 15. §. 44.* Idem est de famulis, dum eis sit injuria, v. g. dum negotia domini expedient, *cit. l. 15. §. 48.* item de vasallis respectu domini directi, *Harpr. ad §. 2. Inst. num. 32.* Gail. *L. 1. Obs. 39.* Lauterb. *§. 12.* Sic si clericis vel religioso inferatur injuria, ratione illius, quasi Ecclesiæ vel monasterio illata, agere potest Episcopus vel Superior religiosus. *Farin. pr. crim. q. 150. num. 29.*

2. Resp. Secundò: persona verò, quibus injuriatis injuria redundat in eum, cui ratione affectus sunt subjectæ, sunt primò uxori, cuius injuriam nomine suo vindicat maritus, si injuriatus fatigetur in genere esse uxorem. *L. 18. §. penult. b. t.* Secundò sponsa, quia hæc affectu pro uxore habetur. *cit. l. 15. junctà cit. l. 18.* non tamen econtra, si viro vel sponso illata injuria, ea non censetur illata sponsæ vel uxori, ut injuriatum age-re possit, quia uxores à viris, non viros ab uxorisibus defendi æquum est. *L. 2. C. b. t.* Lauterb. *§. 13.* nisi tamen convitum seu injuria utrique communis est, ut si maritus vocetur cornutus. *Wiesth. b. t. num. 5.* Tertiò: nurus, cuius maritus est in patria potestate, si injuriata, sacer injuriarum agere potest. *§. 2. Inst. l. 3. ff. b. t.* Quartò: hæres per defunctum quodam modo injuriari potest, seu mediante defuncto, v. g. dum quis hunc falso aliqui cuius delicti accusavit, vel ejus cadaveri ignominiosi quid irrogaverit, cum semper hæreditis inter se defunctorum estimationem tueri & purgare, resul-tatque hæc injuria statim, ac adita hæreditas, & hæres acquirit actionem. Lauterb. *cit. §. 13.*

3. Resp. Tertiò: injuria facta unifratrum, socrorum, agnatorum vel cognatorum mediæ cœnsentur facta alteri fratribus, socrorum &c. quod si ea tangit totam familiam (de quo Judez arbitrabitur, ut ait Menoch. *de arb. Jud. cas. 262. num. 2.*) actionem competere fratri, aliiisque conjunctis, facile concedit Berez. *in c. hic num. 12.* & extra dubium esse afferit Lauterb. *§. 14.* si autem solum in-juriatum concernit, actionem ceteris consanguineis collateralibus negat Perrez, eo quod minor sit affectio fratris in fratrem, quam patris in liberos, & tam en in his jam emancipatis injuriam pati non censetur pater, adeoque multò minus illam per fratrem patiatur frater; verum distinguunt alii, ita ut actionem criminalem competere aliis fratribus, socrorum &c. non verò civilem, censeant plures DD. & in praxi observari testantur Berlich. *p. 2. decisi. 188.* Pistor. *L. 4. c. 21. num. 4.* & alii a-pud Lauterb. *l. c.*

*Ques. 476. An, quando & qualem actionem injuriato pariat injuria in foro externo?*

R Esp. Injuria facit, ut injuriatus contra injuriatum instituere possit actionem injuriarum, sive civilem, sive criminalem, prout maluerit, *§. in summam. Inst. b. t.* ita tamen, ut, si unam instituit, v. g. civilem, ad alteram v. g. criminalem regredi non possit, & è contra. Arg. *L. quod Senatus-consultum. ff. b. t.* civiliter agere dicitur injuriatus, dum pretendit ad suum privatum commodum seu interesse certam summan pecuniæ à se estimatam,

tanti nimisrum, cuius jacturam libentius quam probrum seu despectum per injuriam sibi illatum sustinuerit, ac proinde petit, ut injuriatus in tantam summan condemnetur, *cit. §. in summam. §. l. constitut. §. 1. ff. b. t.* quam tamen summan taxatam ab injurianti solet Judge plerumque moderari, & ad minorem reducere spectatis omnibus circumstantiis, ex quibus injuria redditum major, v. g. ratione personæ injuriata, quia ea in dignitate constituta, ratione loci, in quo commissæ, quia is est publicus, sacer, ratione rei & facti, quia commissa verberando, vulnerando &c. quod antequam Judge faciat, eamque injuriato adjudicet, debet exigere ab eo, ut juret, injuriatum tanti, quanta est pecunia sic moderata taxatio, *etiam in Crim. cit. §. in summam. c. olim. b. t. & ibi Gl. v. taxatione. Clar. §. injury. num. 6.* Haunold. *de I. & I. Tom. 1. tr. 2. num. 573.* quamvis, ut Idem cum aliis, praxis quo-rundam tribunalium habeat, ut absque tali juramento & stimetur & taxetur à Judge injuria, & pecunia ei correspondens adjudicetur injuriato, cui praxi & locorum consuetudini standum sit; unde jam dicta actio vocatur estimatoria & definiri potest magis explicitè, quod sit actio prætoria, nimisrum ratione causæ sua efficientis remota, utpote à prætore inducta. *§. 7. & 8. Inst. b. t.* personalis ratione causa sua proxima, quia oritur ex obligatio-ne injuriantis proveniente ex illius delicto, *cit. §. 8. penal. & quidem merè penal. quia ad meram tendit vindictam.* *L. 2. §. 4. ff. de collat. civilis ratione finis, quatenus opponitur criminali, & tendit ad privatum actoris interesse. Famosa ratio-ne effectus, quia injuriatum dannatus infamia no-tatur, *L. 7. ff. b. t. l. 1. ff. pr. l. 4. §. fin. de his, qui not. infam.* Gail. *L. 1. obs. 65. num. 7. & l. 2. obs. 102. n. 1.* Annalis ratione adjuncti temporis. *L. 5. c. b. t.* ita ferè Lauterb. *§. 26.**

*Ques. 477. Quibus injuriatis & qua-liter concedatur hæc actio civili?*

R Esp. Malè ab aliquibus restringitur hæc actio ad injuriatos verbaliter, cum Prætor indistinctè eam ex quacunque injuriarum specie concedat. *§. 10. Inst. l. 7. §. 1. 2. & 6. l. 15. §. 1. & 35. ff. b. t.* Lauterb. *l. c. §. 27.* datur etiam omnibus sive mediæ sive immediate injuriarum passis, *cit. §. 10.* ita tamen, ut filiofamilias injuriato regulariter ipsius pater suo & filii nomine eam in judicium ad-ducat. *§. 2. Inst. l. 1. §. 3. l. 19. §. 10. ff. b. t.* quod si principialis mortuus sit, alii tamen, ad quos injuria per indirectum pertinet, actionem injuriarum retinent. *L. 1. §. 3. ff. l. 2. C. b. t.* Potest item injuriatus tam per se quam per alium, puta procuratorem, tutorem &c. hanc actionem in judicium deducere & exercere, *§. 10. Inst. l. 11. §. 2. l. 17. §. 10. & 19. ff. b. t. l. 42. ff. de procur.* idque etiam per procuratorem in rem suam vel cessionarium, prout in omnibus actionibus specialiter non exceptis fieri potest. *L. fin. C. de her. vel act. vind. Hæredibus verò regulariter hæc actio non datur.* *L. 13. pr. l. 15. §. 14. ff. b. t.* Lauterb. *§. 28.* quia hæc actio tendit ad meram vindictam, quam moriens remittere censetur. Arg. *L. 10. C. de revocand. donat.* nec est hæc actio ante litis contestationem in bonis heredum, in quibus tamen, quia litè contestata esse incipit, ad eos transit. *L. 13. l. 28. ff. b. t. l. 58. de O. & A. l. 139. & 164. ff. de reg. Jur. Carpz. resp. 44. num. 10.* Lauterb. *l. c. singulare quoque est in hærede, quod injuriatum funerivel cada-*

veri defuncti illatam vindicare possit. L. I. §. 6. ff.  
b. t. sic etiam mortuis omnibus de collegio vel universitate aliquâ, quibus viventibus injurya facta collegio transi ad successores illis subrogatos, quia omnibus ejus membris mortuis universitas non moritur, & injurya non tam singulis, quam toti corpori facta censetur, quod idem in novis electis successoribus censetur. Carpz. l. c. resp. 65.

*Quæst. 478. Contra quos injuriantes detur hæc actio?*

R Esp. Datur regulariter contra omnes injuriantes, etiam Clericos. Carpz. *Jurispr. Consistor.* l. 2. d. 412. & contra eos, qui per procuratorem se defendere possunt. L. 42. §. 1. C. de procur. Carpz. pr. crim. q. 91. num. 30. nisi lis cum injurianti defuncto contestata. L. 18. & L. unic. C. ex delict. defunct. vel Princeps ex gratia ad exhibitam supplicationem pro impetrando processu rescriperit, rescriptumque parti legitimè insinuatum. l. 1. & 2. C. quando libell. Carpz. f. P. p. 4. c. 46. def. 4. Gail. l. 1. obs. 64. num. 5. vel etiam, si per Judicem steterit, que minus lis contestaretur. Lauterb. §. 29. Sic datur etiam actio hæc contra eum, qui alteri objicit crimen vel defectum occultum verum, nisi Reipublice interfit tale crimen manifestari. Covar. var. resol. l. 1. c. 11. num. 6. Clarus §. *injuria. num. 17.* Fachin. *controvers.* l. 9. c. 10. Reiffenst. b. t. num. 17. Siquidem ubi publica utilitas non exposcit, quilibet habet jus ad suam famam, ita ut ab alio per manifestationem delicti occulti violari sine injurya non possit, ubi vero utilitas publica, vel etiam præjudicium tertii avertendum sic exigit, licitum est, & in injuryam nullam continet, manifestare crimen vel defectum alterius, v.g. quod sit fur, ne alteri noceat, quod sit leprosus, vel inhabilis sit ad tale officium. Arg. L. *eum, qui ff. b. t.* Datur quoque hæc actio liberto contra patronum, filio emancipato contra patrem, si injurya est atrox, l. 7. §. 3. l. 11. §. 7. ff. b. t. Secus est, ut constat ex iisdem. II. si injurya illata atrox non est, quia hæc actio est famosa, seu ipso jure infamis est, qui ex actione injuriarum condemnatur. l. 1. & 4. ff. de his, qui infam. notant. nisi injurya omnino levis, prout cum aliis id limitat Harpr. in §. *in summa. Inst. b. t. num. 96.* eis contrarium teneat Clarus §. *injuria. n. 8.*

*Quæst. 479. Actio injuriarum criminalis quæ, quibus, & contra quos concedatur?*

R Esp. Primò: actio criminalis est, quâ injuryam passus petit à Judice, ut injurians pœnam arbitriariâ vel corporali vel pecuniarîâ sifco applicanda ex officio puniatur. Clarus. §. *injuria. num. 7.* Mynsing. centur. 4. obs. 4. num. 5. Lauterb. §. 39. causa illius efficiens remota est jus civile, l. t. l. fin. ff. b. t. proxima est injurya quæcumque etiam verbalis, ut Lauterb. quamvis, ut Mynsing. notat, vi facta à Carolo V. *Ordinat. Cameral. Imper.* p. 2. tit. 28. ob injuriam verbalem plerumque non agatur ad vindictam publicam, sed ad restitutionem honoris præstandam per palinodium, seu ad injuryæ verbalis reparationem seu revocationem, hæc tamen etiam actio ad palinodium in casu injuryæ verbalis, etiæ sola plerumque adhiberi solet, potest nihilominus etiam cum actione injuriarum æstimatoria cumulari. Gail. l. 1. Obs. 65. n. 5. Mynsing. cent. 2. Obs. 98. n. 10.

2. Resp. Secundò: hæc actio criminalis, etiæ generanter competit omnibus injuryam passis, ad distinctionem tamen actionis æstimatoria conceditur etiam fratribus, sororibus & aliis cognatis, qui tamen ipsi tantum, & non per procuratorem (aliter ac se res habeat in actione ad æstimationem) agere possunt, nisi sint personæ illustres, quamvis hodie, dum sublata est inscriptio in crimen, vi cuius obligabatur ad pœnam talionis actor succumbens in probatione, ex parte actoris procurator indifferenter admittatur, teste Carpz. pr. Crim. q. 95. n. 51. apud Lauterb. b. t. §. 40. nullo vero actore existente (quia condonavit, vel usus retorsione) hodie de consuetudine universalis, si injurya est gravis vel notoria aliòve modo evidenter scandalosa, tendatque ad vindictam publicam ex officio per viam inquisitionis legitimè procedere & injurianti pœnam dictere potest, ne maleficia maneant impunita, l. 13. ff. de Off. presid. l. 51. in fin. ff. ad leg. Aquil. Carpz. l. c. q. 96. n. 3. Gail. l. 1. Obs. 39. n. 3. Lauterb. l. c.

3. Resp. tertio: datur hæc actio adversus omnes injuriantes §. 10. Inst. b. t. qui non per procuratorem, sed regulariter ipsi in judicio comparere debent. L. fin. C. b. t. (exceptis tamen iterum personis illustribus, & qui se per procuratorem defendere & excipere possunt, cit. l. fin. C. b. t.) ex ea ratione, quia pœna per talem actionem intenta ad corporalem & ultimum supplicium extendi potest. Hodie tamen ex parte rei communiter procuratorem admitti, nisi injurya sit atrocissima, ita ut probabilitate ad pœnam corporalem deveniat, & tunc Judicem pro arbitrio procuratorem repellere posse, tradunt Carpzov. l. c. q. 95. n. 57. Harpr. ad cit. §. 10. Inst. n. 91. Christianæ. vol. 4. decis. 202. n. 7. Lauterb. §. 41.

*Quæst. 480. Quibus modis tollatur seu extinguitur actio injuriarum?*

1. R Esp. tollitur ferè modis sequentibus. Primo: actio æstimatoria tollitur morte tam injuryam inferentis quam eam passi contingente ante item contestatam, quia neque actiæ neque passiæ transit ad hæredes. l. 13. princ. l. 15. §. 14. ff. b. t.

2. Secundo: remissione seu condonatione actoris, seu injuriati, ita tamen ut is, qui est sub potestate alterius, v.g. filius familias respectu patris, religiosus respectu superioris, uxor respectu mariti non possit injuryam seu actionem injuriarum remittere illo invito, sub cuius potestate est, è contra vero pater, superior, maritus possit remittere injuryam illatam constitutis sub sua potestate, etiam illis reclamantibus. Laym. l. 3. p. 2. c. 6. n. 7. Engels. b. t. n. 13. Reiffenst. n. 23. Arg. L. sed si unius §. 10. & seq. ff. b. t. ubi tamen hoc posterius ita limitatur, ut secus sit, si patris persona vilis sit, filii autem valde honesta. Estque hæc remissio extinctiva injurya alia expressa, dum nimis fit vel verbis, literis aliisque indubitatis animi condonantis indicis. l. 17. §. 6. ff. b. t. l. 52. §. fin. de O. & A. vel transactione seu pacto atque gratuitate. cit. l. 17. l. 27. §. 2. ff. de pacto. Gail. l. 2. obs. 102. n. 17. & 18. Mev. p. 1. decis. 223. & 224. Lauterb. §. 34. hac voluntate etiam absente reo declarata. Cit. l. 17. §. 6. Non sufficit tamen, quod injuryatus graviter decumbens confessario dixerit, se omnibus hominibus condonare, etiam huic vel illi injurianti, cum DD. communius contra Bachov. ad §. fin. Inst. b. t. censem hoc ipso, ipso jure remissam vindictam, teneant, quod hac declaratione tantum rancor anni

mi & vindicta privata ex odio veniens remittatur, non verò, quæ ex justitia commutativa ad utilitatem publicam tendit, quæ vulnus ut delicta ad delinquentis emendationem, proximi exemplum, & læsi, aliorumque immunitatē puniantur, unde convalescens adhuc salvam habeat actionem, ita Mol. de J. § 7. Tom. 4. d. 42. n. 3. Berlich. p. 5. concil. 70. n. 18. & seq. & alii, quos citat & sequitur Lauterb. cir. §. 24. ad quam remissionem actionis injuriarum expressam spectat quoque transactio, quæ sponte facta ipso jure tollitur. l. 11. §. 1. ff. b. t. l. 17. §. 1. ff. de pastis, neque resulcitatur, licet reus promissum non præstet, citatis LL. quod idem est, si autoritate, vel etiam quandoque iusti Judicis fecit. Mev. p. 1. decis. 223. & seq. quibus casibus transactio in Camera Imperiali confirmatur. Gail. cit. obs. 102. n. 13. conventa tamen per transactio- nem obliuio injuriarum non tollit actionem legis Aquilia competente ad damni per injuriam illata remissionem, Berlich. l. c. n. 20. nisi in remissione fiat quoque mentio damni. Mynsing. cent. 4. obs. 10. in fine. Porro remissio injuriaæ attrae est tacita, quæ ex factis elicitor, dum nimis injuriatus aliquid facit, ex quo probabiliter factam sibi injuriam remisisse appetit, v.g. integro anno non revocando in memoriam injuriam, quod tamen non semper tutum esse pronunciat Lauterb. §. 35. sed aliunde ex factis de hoc constare debere, qualia sunt amicæ injuriam salutare, amplexari, pristinam familiaritatem instaurare, ad convivium invitare, legatum relinquerre, Carpz. f. P. Viv. Lauterb. & alii passim. Qualia vero non sunt, nec tacitam remissionem inferunt honestatis gratia ex civilitate vel ex officio stabilitate in publico, propinare in convivio publico, & sic ea præstare coacte, Perez. b. t. n. 23. Gail. de Arresto. c. 14. n. 2. quo etiam refert Carpz. apud Lauterb. l. c. pastori suo injuriati post injuriam sibi ab eo illatam sacramentaliter confiteri peccata; item quo alii referunt accessum ad Sacra- mента penitentiae & Eucharistie, eo quod hæc participans vindictam ponere videatur & jubetur. Verum hoc displicet aliis, eo quod, licet obeuntibus hæc sacramenta deponendus sit animus vindictæ privatae erga injuriantem, satisfactionem tamen pro injuria tam sibi quam reipublica illatam tanquam jure debitam non teneatur remittere. Abb. in c. 1. de maled. n. 6. Covar. l. 2. var. c. 10. n. 17. Wiesn. b. t. n. 20. Lauterb. §. 24. & quos citat Mev. p. 4. decis. 298. Sande l. 5. c. 8. def. 12.

3. Tertiò: tollitur hæc actio præscriptione unius anni c. 5. c. b. t. ubi: cum injuriarum actio anno tempore præscripta, est enim actio præatoria, quæ anno utili extinguitur. l. 31. ff. de O. & A. & hoc de jure civili communī verum est, sive injuria sit realis, sive verbalis, & hæc sive dicta, sive scripta, tradit Franzk. ex. 12. q. 9. n. 3. Mynsing. cent. 8. obs. 7. in fine dicens communiorē & magis receperat. Jure vero Saxonico hanc actionem de injuria graviore, v.g. de tortura illegitimè illata, esse perpetuam, testatur Carpz. f. F. p. 14. c. 46. def. 5. sic etiam in Camera Imperiali tam ob injuriam realem, quam verbalem dictam vel scriptam post annum etiam, seu perpetuam intentari posse actio- nem firmat. Gail. l. 2. obs. 104. n. 4. De cetero perpetuatur hæc actio litis contestatione, sicut re- gulariter omnes actiones temporales. Lauterb. §. 38. Porro in hac præscriptione annus ille sicut in omni alia præscriptione requiritur, ut sit utilis. §. 1. Inst. de perpet. & tempor. præscript. l. 1. ff. de divers. temp. præscript. & sic observari in Camera Imperiali tradunt Gail. l. 2. obs. p. 5. a. n. 4.

4. Quartò: tollitur retorsione, quæ est remedium consuetudinarium extrajudiciale contra injuriam verbalem, dum nimis injuriam verbalem passus eam retorquet in injuriante v. g. si quis ab alio vocatus fur, adulter, spurius &c. respondet: Tu mentiris, aut tu ipse es talis, donec me esse talē probaveris, quæ describi potest, quod sit injuriae verbalis ab injuriato in ipsum injuriante propriā authoritate verbis vel scriptis in continentis honoriis tuendi gratia facta rejectio, per hanc tollitur actio injuriarum, quia per eam censetur satisfactum injuriato, satisfactione autem tollitur actio injuriarum. l. sed si §. 6. b. t. qualiter vero, ut liceat retor- sio, fieri ea debeat, dicetur seq. quæst.

*Quæst. 481. An & qualiter remedium hoc retorsionis licitum sit & permisum.*

R Esp. multum in hoc decidendo altercari & controvertere A. A. quorum opiniones aliquot referre & explicare lubet. Primo: si accipiatur hæc retorsio, prout est privata vindicta, in fo- ro conscientia illicitam & omni jure prohibitam esse, ut constat ex Stat. 5. v. 44. Luc. 6. v. 27. ad Roman. 12. v. 14. 1. Pet. 3. v. 9. Verum ab hac ratione privatæ vindictæ eam deputari posse ex intentione injuriati adhibentis illam pro defensione famæ ladæ, seu damno imminente in fama a- vertendo, quod eo ipso incurriteret, si taceret; evi- taret, si in continentis debito modo retorqueret, seu rejiceret in injuriante, atque hac ratione retorsio- nem habere rationem vera & licita defensionis, ut docet Pith. b. t. n. 6. non video, cur neget Lauterb. b. t. §. 50. cum etiam juris naturæ sit vim vi repel- lere posse, etiam injustum aggressorem, ubi aliter fieri non potest repulsio, occidendo, absque eo, quod talis retorsio habeat rationem injuria & privatæ vin- dictæ, ut vult Lauterb. cum id ipsum dependeat ex animo injuriandi vicissim injuriantem, ac ita priva- tim se vindicandi, quem animum habere retorquen- tem necesse non est. Unde nontantum moribus, ut ait Lauterb. l. c. §. 60. citans pro hoc Harpr. ad §. 12. Inst. b. t. n. 106. Berlich. p. 5. Concil. 64. a. n. 1. Carpz. pr. Crim. q. 97. n. 24. Gail. l. 2. obs. 100.

Bardili, Struv. &c. hoc remedium in toto fere Imperio permisum, ita ut retorsio in foro soli non sit punibilis, sed ex aquitate naturali ubique per- mitendum. His non obstante, quod injuriatis autoritate publica per varias actiones subveniri possit, siquidem finis retorsionis est defensio famæ & existimationis, & potissimum, ut injuriatus molletias processus ejusdemque longam protractionem evadat, & sumptibus parcat, quod sit evitatis dictis actionibus utendo retorsione, Berlich. l. c. n. 38. Lauterb. §. 64. Ceterum retorsio libelli famosi per alium libellum famosum locum non haber, quia est crimen atrocissimum, Carpz. f. F. p. 4. c. 44. def. 7. Lauterb. §. 7. Dixi: retorsio modo debito fa- cta; nam, ne retorsionum licentia nimium evage- tur, moribus intra certos terminos coercita est, ut inquit Lauterb. §. 63. Sic imprimita retorsio debet esse certa injuria regestio in conviciantem, seu illa ipsa injuria seu convicium illatum sibi, v.g. dum quis compellatus adulter responderet: talis tu es, vel, hoc mihi objicit adulter; non enim omnis contradic̄tio vel responsio est retorsio, v.g. si fur nominatus respondeat: Sum vir integræ famæ, tale quid nunquam admisi, idque sit, vel verbis generalibus, v.g. regerendo: tu mentiris, vel specialibus: men- tiris

tiris velut detractione fame, wie ein Ehren-Dieb. Secundò debet esse moderata & proportionata, non plus vel gravius quid objicendo seu rejicendo in conviciantem, quam injurato objectum, v. g. dum quis appellatus fur, compellaret vicissim alterum furem, & latronem vel solùm adulterum aut veneficum; tunc enim sunt durae injuryia formales & uterque injuriarum agere potest, & illatam per hoc in injuriantem iterum retorquere. Carpzov. *Juris Iud. p. 4. c. 46. Def. 11. Mysl. l. c. obs. 17. n. 3.* quamvis tam retorquenti excedenti hác ratione modum imponatur deprecatio, vel recantatio, vel mitior poena, quia non tam ex proposito quā animi perturbatione & justo dolore fecisse creditur. Carpz. *I. c. Berlich. I. c. n. 31.* Tiraq. *de pan. temp. a. 1. n. 12.* Tertiò: fieri debet retorsio in continent, idque ex natura defensionis, cuius species est retorsio, idéoque à præsente & audiiente conviciato statim facienda. Gail. *cit. obs. 120. n. 3.* Carpz. *pr. crim. q. 97. n. 27.* Si vero injuriatus absit, quamprimum certò rescivit, injuriam seu convicium sibi factum, & retorquendi occasionem seu potestatem habuit, scilicet libellum retorsionis ritè conceptum & suā manu subscriptum, Notario cum testibus convocato, ab eodem palam legendum curerit, & dein Notarium requirat, ut dictum libellum injurianti legitimè insinuet, seu per literas intimari faciat, omnia ad notam sumat, & desuper instrumentum conficiat. Lauterb. *cit. §. 63.* cum Carpz. Struv. Berlich. Harprecht. & aliis dicens, hunc modum retorsionis in dicto casu absentiæ injuriati tutissimum esse. Quem tamen Notarium retorsionem scriptam insinuantem operam suam in eodem negotio ei, cui insinuata, præstare non debere, rectè monent Harpr. Struv. & alii apud Lauterb. §. 62. Porro quod hic notandum: retorsio legitimè facta non præjudicat Magistratu, quò minus ad poenam contra injuriantem procedere possit. Carpz. *J. F. p. 4. n. 41. Mev. ad ius Lubec. l. 1. tit. 4. a. 10. n. 14.* Lauterb. *§. 64.* & alii apud illum. Interim opinio ipsius, in quem facta retorsio, tam diu apud homines viros manet gravata, donec de veritate criminis objecti à se p̄fīmō injuriato docuerit. Berlich. *I. c. n. 30.* Besold. *thesaur. pr. v. retorsio.* Lauterb. *cit. u. 64.*

*Quæst. 482. Quænam sit poena injuriæ am inferentis?*

**R**esp. Poena criminalis injuriarum est extraordinaria arbitrio Judicis determinanda, consideratis circumstantiis & qualitate delicti. *§. in famosam. Inst. b. t. interdum pecunaria fisco applicanda, carcer, relegatio, fustigatio, manūs ampullatio, interdum etiam ultimum supplicium, si injuria sit atrox, & adversus Magistratum, parentes. Carpz. pr. Crim. q. 100, per tot. qui tamen vult mortis supplicium ob injuries verbales etiam atrocissimas non inferri. Et dum poena injuriæ illata per libellum famosum dicitur capitalis. l. unic. c. de libell. famos. eam non intelligendam de ultimo supplicio, sed de poena exilii aut deportationis, explicat Harpr. in §. 1. Inst. b. t. nisi crimen per libellum famosum imputatum alicui esset capitale, tunc enim poenam talionis imponendam statuit consit. Crim. Caroli V. A. 110.*

*Quæst. 483. An & quando in foro conscientiae possit injuriatus, aut teneatur instituere vel remittere actionem injuriarum?*

1. **R**esp. Primò: tametsi injuriam passus teneatur injurianti ignoscere in hoc sensu, quòd nullum odium, nullamque vindictæ cupiditatem adversus illum habere vel fovere, multoque minus re ipsa se vindicare potest, ut constat ex dictis questi. ante hanc. 2. non tenetur tamen eidem remittere injuriam, vel ignoscere in hoc sensu, ut omnem injuriarum actionem & palinodium reimitat, sed potest ad tuendam famam & honorem suum harum actionem aliquam pro libitu assumere, prout habet communis & certa. Neque tamen etiam regulariter tenetur instituere actionem injuriarum, sed potest licet per se loquendo ex humilitate aliave virtute aut causa justa injuriam & omnem injuriarum actionem, ex toto remittere, quin & se ipsum infamare suāque delicta propalare, exemplo D. Augustini aliorumque SS. cùm sit dominus famæ & honoris sui, ita ut possit illam negligere, nihilominus tamen

2. **R**esp. Secundò: quandoque in conscientia, non tantum propter scandalum & prejudicium aliorum vitandum, sed & ratione boni communis (ad quod promovendum malā famā notatus plerumque utilis est) quòdque ex leſione famæ & honoris non reparata sequatur grave damnum ipsius injuriati per actiones institutas aliisque mediis licita injuriam propulsare, & maculam sibi illatam diluere, juxta monitum Eccles. 41. curam habe de bono nomine, hoc enim magis permanebit tibi: quēm mille thesauri pretiosi & magni, juxtaque can. non sunt, II. q. 3. & can. nolo. 12. q. 1. quorum can. verba utiliter recitat Reiffenb. b. t. n. 29. veritatem de his, ut & de obligatione, quam habet in conscientia injurians infra amplius.

*Quæst. 484. Libellus famosus quid sit, que illius causa, quis reus illius, & quæ ad eum requirantur, quis finis, effectus, poena?*

1. **R**esp. ad primum: Libellus famosus, prout in iure civili l. 47. tit. 10. sumitur, constituitque distinctam speciem injuriæ scriptæ in proprio sensu continet seu denotat quamlibet scripturam infamantem. l. 1. §. 9. ff. b. t. l. unic. C. de famos. libell. epigramma, carmen, satyram. l. 21. ff. de testibus. historiam, comediam, picturam, sculptile, opus fusorium in alicujus infamiam, Recess. Imper. de Anno 1530. §. 58. vocari quoque solitus Pasquillus, à Romano Sartore Pasquino, qui mira impunitate Aulam & Curiam Romanam vellicare solebat, quo mortuo dum terra effodebatur, ejus statua reperta prope eius tabernaculum erecta, cui omnis generis charata famosa noctu affigebantur, & dein alia illi similis & correspondens Roma in Capitolio statuta, Lauterb. tit. de injuriis & famos. libell. §. 66. ex Besold. th. præst. V. pasquillus. Differt. à Scriptura injuriosa tanquam species à genere ratione materie, forma, fine, præscriptione, Carpz. pr. Crim. q. 98. n. 10. & seq.

2. **R**esp. ad Secundum: causa illius efficiens nec non subjectum idem est, quod aliarum injuriarum scripturarum, ejusque reus non tantum est author seu componens, sed & scribens, dictans. cit. l. 5. l. 12. §. 27. ff. b. t. legens cum voluptate, & alteri ad legendum tradens, mandans, mandatarius, cit. l. 5. §. 9. non corrumptens. cit. l. unic. de fam. libell. typis excudens. cit. recess. Imp. in notitiam producens, vendendum & emendum curans. cit. l. 5. §. 10. affigens & ad inveniendum projiciens. Menoch. de Arb. l. 2. cas. 263. n. 35. Lauterb. §. 67.

3. **R**esp.

3. Resp. ad tertium: ad formam illius specificam, quae ab aliis injuriis distinguitur, requiritur primò: ut in eo, dum est Scriptura, dolose ad infamiam alicujus exprimatur delictum famosum & notabile, quod in populum spargatur, & pœna foret corporis afflictiæ vel infamia, ord. crim. a. 110. Carpz. 7. F. cit. def. 4. Secundò: ut Author in eo nomen suum celet, sive fictum vel alienum, imò ut nullum apponat, ut verius docere videntur Carpz. l. c. def. 3. Brunem. ad cit. l. unic. de fam. libell. n. 5. & ad l. 5. §. 9. ff. b. t. Bardili. concl. forens. exercit. 31. th. 33. & plures alii, quos citat & sequitur Lauterb. b. t. §. 68. contra Bocer. de fam. libell. p. 2. n. 7. Harpr. ad §. 1. Inst. b. t. n. 151. Berlich. p. 1. Concl. 67. n. 37. Struv. exerc. 48. n. 67. &c. ceterum gravius delinquit, &, si innotescat, punitur, qui alterius nomen usurpat, nomen verò suum apponens vel ad probationem, vel, si in ea deficit, se ad pœnam offert, & proin mitiùs punitur, qui autem nullum opponit nomen, eo ipso agnoscit, se falsum crimen objicere. Arg. l. 1. 3. 4. Cod. th. eod. l. 9. tit. 34. cum quibus convenit l. unic. c. b. t. infamati verò nomen, sive exprimatur, sive ex aliis circumstantiis cognoscatur, perinde est. l. 6. ff. b. t. Magistratus interim ex officio in hujusmodi criminois seu reos libelli famosi inquirere potest. Novell. 128. c. 21. Brunem. ad l. 7. c. b. t. n. 4. uti & indicanti authorem constitutre præmium ex bonis & pro modo accusata personæ, l. 5. §. fin. b. t.

4. Resp. ad quartum & quintum: finis famosi libelli est, ut honestæ persona æstimatione laetatur, effectus respectu infamati est, ut famosus libellus alterius existimationem apud viros graves & honestos non laet. cit. l. unic. c. b. t. respectu infamantis est pœna.

5. Resp. ad sextum: pœna hæc olim apud Romanos ex L. XII. Tabular. indifferenter fuit capitalis, ut testatur Zieriz. apud Lauterb. b. t. §. 69. que dein abiit in desuetudinem l. 5. §. 9. ff. b. t. ac deum iterum restituta, l. unic. de famos. libell. pœna

verò capitalis in jure dicitur non tantum, quâ vita naturalis, sed etiam quâ vita civilis admittit. §. 2. Inst. l. 2. ff. de publ. judic. l. 103. ff. de V. S. unde per pœnam capitalem, h. t. quidam supplicium ultimum, alii deportationem, alii pœnam talionis, ut nimurum author famosus libelli eadem pœna, quam delictum in pasquillo imputatum importat, puniatur, intelligunt, quod postremum rectius dici sentit Lauterb. b. t. §. 69. cum Berlich. l. c. concl. 67. n. 9. & 21. Theodoric. in colleg. crim. c. 2. Aphor. 20. n. 28. Arg. l. 34. ff. de jure fisc. jure canonico can. 3. cans. 5. 9. 1. qui famosos libellos in Ecclesia ponunt, anathematizantur. De cætero ob libellum famosum, etiam civiliter condemnatus, reditur infamis. l. 1. ff. de his, qui not. infam. l. 10. c. ex quibus cas. infam. irrogat. Fit intestabilis, l. 5. §. 9. ff. de testib. mitius tamen quam pœna talionis punitur, qui non est author seu compositor libelli, et si consilium dederit, qui inventum libellum à se propalavit, vel alios communicavit, imò ipse auctor, si ante perfectionem & divulgationem pœnitentiā ductus illum laceravit, neque pœna libelli famosi locum habet, bene tamen extraordinaria, si quis verum crimen obiecerit, nomen non apposuerit & diffamator illud probare voluerit, ut habetur in const. crim. Carol. cit. a. 100. Porro Typographi hujusmodi libellos excudentes omnibus exemplariis, & potestate excudendi privantur, & arbitriis puniuntur, juxta cit. recess. imp. §. 66. Bibliopolæ quoque scienter vendentes illos neutiquam à pœnis exculantur. Cessat verò pœna hujus delicti morte delinquentis, item præscriptione annorum 20. juxta l. 12. C. ad leg. Corn. de fals. actio autem ex libello famoso est perpetua. Hahn. ad Wefenb. b. t. n. 19. in fin. Gail. l. 2. Obs. 104. n. 3. Fachin. l. 8. Controv. 9. in arbitrio autem lexi per libellum famosum ei insituere actionem injuriarum æstimatoriæ vel recantatoriam, quia est species iuræ, Carpz. 7. Feud. p. 4. c. 44. def. 4. & 6.

## C A P U T II.

### De Damno dato.

Quæst. 485. Quid intelligatur per damnum datum, de quo secundâ parte huius tit. & in jure civili l. 9. t. 2. ad legem Aquil.?

R Esp. non intelligitur damnum, quod lucrificandi causâ alteri infertur, v. g. per rapinam, furtum, usuram, de quibus in precedentib. tit. sed quod iniuriâ seu non iure facientis, hoc est, contra ius alterius, sive in eius corpore, sive rebus illius animatis vel inanimatis eas corrumpendo vel deteriorando datur, ut ipsius patrimonium sine ullo dannificantis lucro vel emolumento diminuatur. Host. in sum. b. t. n. 1. definiri potest, quod sit privatum delictum, quo damnum sine facientis iniuria per iniuriolas rei corruptionem dolo vel culpa datur, quodque lege Aquili vindicatur. Sumitur ex §. 2. 3. 13. Inst. b. t.

Quæst. 486. Quot modis damnum hoc dari seu inferri possit?

R Esp. Tribus, nimurum dolo, culpâ, fortuitò; do- lo si fiat aliquid, vel omittatur animo nocendi,

seu eâ intentione, ut damnum sequatur. l. 1. §. 2. ff. de dolo, qui animus seu intentio ipsius dannificantis si confessione vel certis & indubitate indicis declaretur, dolus verus; præsumptus autem dicitur, si ex indiciis non quidem omnino indubitate, verisimilibus & valde urgentibus colligatur, Bartol. in l. quod Nervâ. ff. depositi. n. 14. Molin. de 7. & 7. tr. 2. d. 29. n. 4. Ex culpa, quando adhibita diligentia, damnum evitari potuisset; qua culpa vel est iuridica, vel etiam theologica, quæ committitur cum peccato; eaque triplex, lata, levata, levissima. l. in lege Aquilia. ff. ad leg. Aquil. Lata, quæ communiter omissione diligentia, quam homines eiusdem conditionis ad evitandum damnum solent adhibere, committitur, v. g. si quis librum sibi commodatum foris extra domum relinquit. Levata, quæ consistit in omissione diligentia, quam adhibere solent providentiores, & rerum suarum magis studiosi, v. g. si liber intra cubiculum quidem, sed non clausum relinquatur. Levissima, quam committit omittens diligentiam, quam adhibere solent non nisi exactissimi, & quæ extraordianario studio dama præcavent; v. g. cù liber quidem relinquitur in